

馬石田先生集

五

馬石田先生集

馬石田文集卷第五

樂府歌行

元日應制萬年歡

瑞氣祥雲擁龍光五色絳闌春迴折木天街秀潤日月
重輝聖主垂衣坐治萬國盡衣冠朝會鴈行底濟々鏘
々喜瞻仙仗旌旗和風動洽九垓聽椒花獻頌白獸尊
開采勝享盤民物一時康泰樂府新裁曲譜鳳笙起彤
庭雲鬢青霄外隱々嵩呼延祐典天同大

南方賈客詞

江岸琅玕悲帝婦雲光漏日波含霧瀧舫春下鷓鴣林



青幘蠻郎占龍戶千尋高杉生翠微
北人去買椒葛衣
鷄骨卜神銅鑄鼓却意冰純將北歸

踏水車行

松槽長々櫟木軸龍骨翻々聲陸續
老父踏車足生繭
日中無飯倚車哭
乾田犂确稗禾槁
高天有雨不肯下
富家操金射民田
但喜市頭添米價
人生莫作耕田夫
好去公門為小胥
日々得錢歌飲酒
朝々買絹與豪奴
識字農夫年四十
欲踏車脚々失力
宛轉長謠隴
卧作畝間誰能聽
此無悽惻

繅絲行

縑車軋伊繭抽絲桑薪煮水急莫遲黃絲白絲光縱、
老蚕成蛹蛻兒飢田家婦姑喜滿眉賣絲得錢買幕羅
翁叟慣事罵婦姑只今長男成葭葢秋寒無衣霜冽膚
鳴機織素將何須翁叟哺：罵未竟當門叫呼迎縣令
騶奴橫索馬鞭絲婦姑房中拆纒經

拾麥女歌

墉鳩飛桑扈鳴老蚕入簇繭欲成原頭腰鎌者誰子刈
麥歸家作餅餌心知棲畝有滯穗惻々忍收寡婦利寡
婦持筐衣藍縷終朝拾麥滿筐筥兒啼婦悲窻無火寒
將麥飯哺時取豈不見貴家妾豈不知娼家婦繡絲繫

石田先生文集卷五
二
襦蓮曳步銀刀繪魚佐酒杯狎空酣歌愁日暮拾麥女
拾麥女尔莫嗟尔莫憂人生賦命各有由前年貴家妾
籍入為官婢今日娼家婦年老為人棄貧賤艱難且莫
辭畢竟榮華成底事

古樂府

天上雲片誰剪裁空中雨絲誰織來
蒨蒨秋沙田鼠肥
貧家女婦寒無衣女婦無衣何足道
征夫戍邊更枯槁
朔雪埋山鍤甲澁頭髮離々短如草

河西歌効長吉體

賀蘭山下河西地女郎十八梳高髻
苗根染衣光如霞

却召瞿曇作夫婿紫駝載錦涼州西換得黃金鑄馬啼
沙羊冰脂蜜脾白箇中飲酒聲漸

垂綸亭歌為宋誠夫作

江水東駛漢水清雙流合出蜀門陞春蛟鼓濤崩石棧
風寒土窟陰翬腥八月秋雨作沮洳長年操舟憂性命
薊丘文篁君家有早晚捎雲得栖鳳何為垂綸楚愴傍
豈其食魚必河魴截波密經小鱸爛寡婦之笱敝其梁
嗚呼我歌君試聽彈鋏歸來讀古文日高鑽火飢煮字
一釣六鰲何足云

老将行送宗道總管

南山日暮田間歸酒酣眼纈見大旗囊中兵書白魚蠹
禿袖戰袍寄蘭綺老耒數竒不封侯騎馬閑逐里中兒
間說西南有滇楚千里宿莽翳畬畬將湏喜上充國策
詔許將軍知尺籍明發北辭龍尾道馳入朱天紅帕額
盡呼戍卒脫兜鍪却使征夫携襁襖自古壯士多行役
嗟哉兵農兩畊射

淮南田歌十首

東塘水初滿西塘泉又生春風兩塘側多少路人行
老翁白髮短放牛田間卧記得南朝事怕臨淮水過
西庄竹笋長生過東家墻東家吃竹笋日々笑西庄

魚兒隨水上到我屋前溪更怨溪水小隨雨過南堤
蒲生亦有筍菰生亦有米可憐芙蓉花照影秋塘裏
鷺鷥白如雪鸚鵡嘴復長雙立田塍間知是魚滿腸
牛飽早耕田々中水湍々春晚蘋草生牛刀更可憐
借錢買鹽茶倩人蔣早秧日望秋田熟仍防野鴨傷
江東木綿樹移向淮南去秋生紫萼花結綿煖如絮
鉏田莫用懶夏日背上炎秋稅入官倉雀鼠嘴尖々

淮南魚歌十首

棹舡淮水上晒經赤岸南舡中捕來魚賣錢買魚籃
小艇如鳧鷖湘東柴杉木載家復捕魚夜々繫江竹

市中買蚕絲新結橫江經江中魚已盡又結經十丈
白雲渡深竹野水過斜橋鳴郎下淮浦笞箬帶朝々
舡過薰葭浦人家喚買魚回舡泊柳岸却問種樹書
長年為魚郎稅魚與鹽官誰云無鄉縣兵籍在邯鄲
渡江問魚價人來索酒錢婦姑亦不惡便煮縮項鱖
桃花水初漲磯頭好下罾取得金鯉魚去換縛舡藤
賣魚向城市陌上遇王孫爭買雙銀鯽持去贈紅裙
烏鬼項細々吞魚不下咽海鷗嘴亦短御魚入野烟

兩頭織々五首

兩頭織々
杪攤子半白半黑遼東豕腦々剥々琢玉几

磊々落々舞劍士

兩頭纖々小兒繡半白半黑目中睛腦々剝々海岳兒
磊々落々將軍營

兩頭纖々千畝梔半白半黑大纛旗腦々剝々解角麋
磊々落々磨崖碑

兩頭纖々北斗杓半白半黑千金貂腦々剝々山中樵
磊々落々雲間鷗

兩頭纖々蝟上毛半白半黑筆中毫腦々剝々擊雲璈
磊々落々斬馬刀

四色詠

赤如扶桑日青如華岳松黑如古琴漆白如天女曾

和王左司柳枝詞十首

郎君巧訝楊柳枝柳眉初出學月支隋堤千樹烟光莫
不如柳眉初出時

春日烟兩秋日霜麴塵絲織衫袖長誰言折柳獨送客
章臺還堪繫馬韉

鳳城三月草色青池塘飛絮相飄零風吹宛轉低撲人

長空

一作白日流榆
一作星

都門輦路花萬株寒垣苦寒多白榆獨憐柳枝弱嫋々

春情好寫閨中書

馬蹄車輪送客去兩京游客還未稀誰曰一斗蒲萄酒
便得梁州刺史歸

索駝馴象奴子騎女郎能舞大小垂蹄林獵罷各獻捷
卷唇蘆葉逐手吹

楊枝桃葉江水逢喜云女蘿附高松白髮滿頭不相見
却嫌吳音呼我儂

渭城別語淒復淒江都高樓醉眼迷人生悲樂自古有
莫笑棄妻當鏡啼

北客到吳亦懊儂苧衫蘭漿膏飾容日食海錯一百品
不敢上京來住冬

鎗竿嶺頭紅白花客行日々不思家尚食聯疊給桂蠹
仙佩屈曲紉蘭芽

和王左司竹枝詞十首

翠華宴鎬承恩多羽林似飛盡沙陀從臣乞賜官法酒
千石銀甕來滌河

綠繡簷頻翠流蘇屬秦舍人金僕姑宮中雲門教坊奏
歌徧竹枝并鸕鷀

玉繩雙闕回蒼龍御溝石甃金水春螭坳詞臣紫橐在
千年河清今日逢

竹枝宛轉貫珠勻襪羅凌波那有塵書生好酒恨不醉

丞相莫惜車馬首

日邊寶書開紫泥內臣珠帽輦步齊君王視朝天未旦
銅龍漏轉鷄人啼

金爐寶薰留篆雲花間百舌鳴早春五方戲馬賽爭道
傳聲催賜十流銀

紅藍染裙似榴花盤蔬釘餛飩藥芽太官湯羊厭肥膩
玉甌初進江南茶

天孫支機織流黃雜花浮簷宮晝長忽見琅玕種石上
却憶羊車來尚方

太微前陳中天居萬年樹影高扶踈漢家諸臣經術士

殿中勸講三王書

流杯池邊是鎬宮金輿翠憶逗微風
媯川玉液清如水
湛露承恩樂大同

鰲峯歌

太和絀縕元氣旁磚兩間駢羅品物錯
上為列星精又為孤月魄
天帝司大化月魄浮晴雲星精墮為山之骨
龜穹獸躡百狀出剜鏤費力鬼工哭不角一作覺
五岳形而注百川竇禹鼎魑魅禦周鼓
時王狩西北龍沙域日浴溼波紅
侍臣簪紱光射目周廬靜夜懸絜弓
乃有珥筆稱史氏絲綸出言待茲記
神鰲施負鼎首載三山至

一寘軒轅臺一沉崑崙河一寘朔南金壘坡金壘坡風
日清美芝箭多前崑刻丹經後崑琢高那當戶圻古
色碧紫苔蝸涎字痕濕春秋法書心匪石心匪石太史職

北歌行

君不見李陵臺白龍堆自古戰士不敢來黃雲千里鴈
影暗北風裂旗馬首回漢家衛霍今何用見說軍還如
裹痛不思百口仰食息豈念一身推轂送如今天子皇
威遠大積金山烽燧鮮却將此地建陪京灤山回環抱
山轉萬井喧闐車馬輪翠華歲脩時巡親王覲圭荆
玉畫侍臣朝紱蟻珠新高昌勾麗子入學交趾蠻官貢